

天台沙漠出大片



Desert 沙漠天台咖啡

地址: 顺德区顺联智汇 17 座

营业时间: 周一至周日 10:00—24:00

虽然已经进入9月,但广州依然处于高温状态!月初遇上台风,更係直逼37℃。天气咁热,係时候摩翻杯冰凉咖啡醒下神。近日可发现咗两间独特主题咖啡店,既可以嗦“沙漠叹咖啡”,又可以嗦“金鱼世界”中感受梦核幻境。快啲mark低,一次过体验“冰火两重天”的魅力啦!

饶福/文 黄译莹/图 饶福/模特

瞬间置身沙漠



唔使出远门就可以轻松get沙漠大片?最近,开喺顺德春村工业园楼顶呢间沙漠主题咖啡厅,成为唔少网红嘅热门打卡点之一。咖啡厅位于天台五楼,搭车上可以直接嚟到门口。一入门就会见到大片嘅沙漠造景,搭配形态各异嘅枯木同多肉植物。为咗还原最真实嘅场景,店家仲喺沙漠中摆咗个观景泳池,水波同蓝天白云相呼应,一瞬间仿佛置身大自然。一应俱全嘅户外元素,搭配沙漠区嘅暖黄配色,好睇大家着上长裙或者废土、机车风格嘅服装,各个角度影几张沙漠大片。

摩旅中现灵感



主理人啊卡,本身都係一位生活潮人嘅。酷爱挂机车摩旅嘅佢,喺一次大西北旅行中,行过一大片沙漠同戈壁后,突然好想饮咖啡。灵机一动下,但先有咗沙漠场景结合咖啡嘅想法。店名嘅desert代表沙漠,而音译嘅“得失”寓意“人生有得必有失,失去都可以係另一个得到嘅开始”。为咗令每个设计位都可以打造出最适合出片嘅角度,啊卡耗资百万资金搭建场景,各种逼真枯木、秋千都有摆放,令拍摄更有视觉冲击力。店内的餐品选择都几丰富,有咖啡同其他饮品,以及各式咁嘅蛋糕,大家不妨喺“沙漠”慢慢叹。除咗沙漠主题,啊卡之后会计划出一个关于自然环境嘅主题,大家期待下啦。

Cafe邂逅冰火两重天

捕捉玻璃光影



一踏入番禺市桥嘅呢间“水世界”咖啡店,会被眼前波光粼粼嘅透明鱼缸天花板所吸引。头顶嘅金鱼喺阳光照射下,洒下层层光影。主理人方舟话畀我哋知,每个时段嘅光影效果都会有新惊喜。早上折射出彩虹,傍晚会见到金鱼倒影悬浮空中……而喺金鱼池区域嘅另一边,係截然不同嘅港风风格设计。摆满黑胶唱片机嘅复古墙,可以令唔同年代嘅人喺度温翻呼应时代嘅痕迹。隔篱仲搭建咗一个开放嘅音乐舞台,上台唱歌、玩下乐器都十分欢迎。但希望呢度除咗可以打卡出片外,仲能畀到大家一个真正放松嘅环境。

轻松选择饮品



除咗店铺布置有特色,店内出品都好用心。咖啡豆係经过精心挑选嘅,嚟自我国云南嘅咖啡豆,主理人方舟嘅调配几十种口味后,筛选出适宜嘅配方。店内首推嘅系列係“十二星座”咖啡,唔同嘅星座都会设定对应嘅味道同代表色。店内嘅饮品仲贴心配备卡片,令大家更了解每一杯嘅口感与特色;餐品选择多,大家可以enjoy到心仪嘅搭配。方舟仲同我哋透露,嚟茶店计划升级成环岛吧台,到时搭建二楼嘅法式室内园林风格,大家可以一边沉浸梦核世界,一边叹咁蛋糕。

梦核金鱼水世界



SOSOL COFFEE 日咖夜酒

地址: 番禺区北桥路 16 号

营业时间: 周一至周日 08:00—次日 01:00

小传奇

借《天下》怀念离开咗嘅挚友,唱《Mister》勾起过去嘅回忆,用《无谓再假》彻底释放佢嘅力量……时隔五年,Mr. 四位成员重聚,但佢觉得呢个美丽嘅奇迹。嘅“曲词编唱作音乐分享会”现场,每一个旋律都会有跟唱嘅乐迷,每一段发自肺腑嘅感言都会收获一声“加油”,每个瞬间都能勾起一段感动嘅回忆。Mj同Tom为《小传奇》编曲时有“拗撬”嘅故事,Ronny将自己失恋嘅“痛”写入《等不了》,DASH有为爸爸而唱嘅歌……作品背后嘅故事,喺今次回归舞台首度公开,係佢哋送俾乐迷嘅礼物。慢歌,大家一起感动到落泪;快歌,齐齐起立摇摆打call,“摇滚”嘅手势举起就有再放低。全新嘅舞台下,依然熟悉嘅乐迷,虔诚地等佢哋翻奏,确实係传奇。

有爱嘅地方就会有Mr.

8月底,Mr. 成员DASH、Mj、Ronny、Tom重聚,同来自澳门嘅两位素人张嘉耀 Clark、钟启正 Kingsley,喺广州中央车站举行“曲词编唱作音乐分享会—Mr. 篇”。但佢哋重唱 Mr. 乐队嘅经典作品,又share 每首歌嘅创作背景,更喺现场分享近几年嘅成长,同乐迷度过咗感动又心动嘅一晚。

郭玮/文 主办方提供/图

等不了

喺 DASH 发起今次音乐分享会嘅时候,Mj、Ronny、Tom 即刻就应承咗。从上次齐人合体到依家,大家都经历咗好多野,DASH 话自己成日都会想起,自己同其他成员同台嘅场景,所以觉得唔可以再等落去,应该快啲出嚟同乐迷见面。喺今次嘅分享会歌单里面,Tom 话自己最中意《国歌》,因为呢首歌俾人嘅感觉,同佢哋依家嘅状态好似:喺大家已经幼稚时候,再坚持努力一次。Mr. 四位成员都坚持,只要乐队需要自己嘅时候,佢哋就一定企翻出嚟,佢会坚守自己嘅位置,鼓手会玩自己嘅节奏,低音吉他手唔会争做主唱……对佢哋来讲band 同埋玩音乐已经唔係一份工作,大家好清楚自己需要负责嘅野。喺当晚分享会嘅最后,DASH 话只要係有爱嘅地方,就会有 Mr.。

想太多



今次嘅音乐分享会,亦等于曲词编唱作协会嘅正式发布会,DASH 成立呢个协会,係希望更多中意音乐嘅人,可以有个交流、学习嘅地方。副会长 Clark 同 DASH 因病结识,过去嘅匆匆忙忙忽略生活,依家佢学识放慢脚步 enjoy 音乐、享受一切;成员 Kingsley 年纪轻轻但好有想法,喺前辈嘅引导下不断创作,向自己嘅目标前进。好似 Mr. 嘅《想太多》入面唱到“想得太多,可知我瑟缩在被窝”一样,绑手绑脚会令自己陷入迷惘,唔好咁咁多,坚持自己嘅初心,去闯去试,先有希望接近成功。“曲词编唱作音乐分享会—Mr. 篇”,係佢哋首次以全新形式重现 Mr. 摇滚精神嘅舞台,未来嘅日子充满未知,同时亦充满希望,Mr. 话要“好好记住我”。相信乐迷同 Color 一样,唔使想得太多,just 期待佢哋下一个舞台更加精彩。